



CONCELLO DA CAPELA

As Neves, 46 • 15613 A CAPELA (A Coruña)
Teléf.: 981 45 90 06 • Fax: 981 45 93 71
C. Elec.: correo@acapela.dicoruna.es • www.concellodacapela.es

BORRADOR CERTIFICADO DA ACTA DA SESIÓN ORDINARIA CELEBRADA POLO PLENO MUNICIPAL EN DATA VINTE E CATRO DE XUÑO DE DOUS MIL DEZ.

ASISTENTES:

Presidente:

D. ANGEL LOPEZ SUEIRO.

CONCELLEIROS:

DNA. M. JOSEFA COBELO MOREIRA

DNA. JOSEFA FINA SECO VILAR.

D. FERNANDO RODRÍGUEZ FERNÁNDEZ.

D. JOSÉ SECO FERNÁNDEZ.

DNA. EVA MARIA FRAGA SANMARTIN.

D. FERNANDO VILAR DÍAZ.

D. MARCOS RODRÍGUEZ CALVO.

D. JUAN PUENTES CALVO .

SECRETARIO:

D. JOSE A.MEIZOSO PAZ.

No Salón de Sesións desta Casa do Concello da Capela, Provincia da Coruña, ás dez horas do día vinte e catro de xuño de dous mil dez, baixo a Presidencia do Sr. alcalde D. ANGEL LOPEZ SUEIRO, reúnense os Sres. Concelleiros /as que se relacionan na marxe asistidos do secretario da Corporación, coa finalidade de celebra-la sesión ordinaria convocada para o día de hoxe.

1.- LECTURA E APROBACIÓN, SE PROCEDE, DO BORRADOR DA ACTA DA SESIÓN ANTERIOR DE DATA VINTE E CINCO DE MARZO DE DOUS MIL DEZ. ACORDO QUE PROCEDA.-

Aberta a sesión pola Presidencia solicítase dos Sres. Concelleiros/as asistentes á sesión se desexan formular algún tipo de alegación ou observación á acta da sesión anterior de data vinte e cinco de marzo de dous mil dez.

Non se formulando ningún tipo de alegación ou observación, o Pleno Municipal e por unanimidade dos asistentes acordan aproba-la acta da sesión anterior.

2.- CONTA XERAL. EXERCICIO 2009. APROBACIÓN. ACORDO QUE PROCEDA.

Dase conta polo Sr. Alcalde-Presidente que a Conta Xeral correspondente ó exercicio 2009, foi informada favorablemente pola Comisión Especial de Contas celebrada o día doce de abril de dous mil dez, publicándose anuncio de exposición no boletín oficial da provincia, presentando o grupo municipal do Partido Popular unha alegación á mesma procede pois sometela á aprobación do pleno do concello.

Sendo as dez horas e cinco minutos, incorpóranse á sesión as concelleiras Dna. María Josefa Cobelo Moreira e Dna. Eva María Fraga Sanmartín.

De seguido toma a palabra o voceiro do grupo municipal do Partido Popular, D. José Seco Fernández, para manifestar que estamos na mesma, xa que na parte técnica da conta non temos nada que dicir, pero na parte política que lle corresponde ó Sr. Alcalde reiteranse as preguntas que se formularon na Comisión Especial de Contas, e que non foron respondidas pola Alcaldía - Presidencia, e que fan referencia ó finanzamento municipal da Festa do Requeixo (9.000€), escola de música (18.000) €, da certificación do Plan E do derradeiro ano onde aparecen certificados 4.192€ que en principio correspóndense a obra non executada, así como unha serie de ratios e parámetros de tipo económico que tampouco foron contestados polo Alcalde-Presidente o que demostra un desprecio absoluto pola oposición.

Toma a palabra o Sr. Alcalde-Presidente para reiterar que a Conta Xeral foi informada favorablemente pola Comisión Especial de Contas e que na proposta da alcaldía figura que se rexeite a alegación presentada polo Partido Popular, que se aprobe a Conta Xeral correspondente ó exercicio 2009 polo Pleno do Concello e que se remita unha vez aprobada ó Tribunal de Contas e o Consello de Contas de Galicia para a súa aprobación.

Toma a palabra o voceiro do Grupo Municipal de Terra Galega, D. Fernando Vilar Díaz, para expoñer que o seu grupo está en contra da xestión económica do Concello, por parte do equipo de goberno e que é unha tontería facerlle preguntas ó Alcalde-Presidente porque nunca contesta.

Polo voceiro do Grupo Mixto - BNG, D. Juan Puentes Calvo dise que é normal que existan discrepancias entre os grupos políticos sobre a xestión económica, pero outra cousa é andar facendo separacións entre a parte técnica e política dun documento técnico como é a Conta xeral que o que reflexa é a actividade económica do Concello no derradeiro exercicio.

De novo toma a palabra o voceiro do Grupo Municipal do Partido Popular, D. José Seco Fernández, para sinalar que existe unha parte política na Conta xeral e que o lóxico é que se o Sr. Alcalde tivera decencia política respondara ás preguntas formuladas.

Remata o debate o Sr. Alcalde-Presidente manifestando que respondendo ou non ás preguntas formuladas polo voceiro do Grupo Municipal do Partido Popular, a Conta Xeral está formulada e tramitada legalmente polo que procede votar sobre a súa fiscalización.

Visto o anterior, o pleno da corporación, por maioría de votos (5 votos a favor da aprobación, dos Sres/Sras concelleiros/as dos grupos municipais do PS de G- PSOE e BNG- Mixto e 4 votos en contra, dos Sres/Sras concelleiros/as dos grupos municipais do Partido Popular e Terra Galega). O Pleno da Corporación adopta o seguinte acordo:

Primeiro: desestimar a alegación presentada polo Grupo Municipal do Partido Popular.

Segundo: aprobar definitivamente a Conta Xeral correspondente ao exercicio 2009.

Terceiro: que unha vez aprobada, a Conta Xeral 2009 sexa remitida ó Tribunal de Contas e ó Consello de Contas de Galicia.

3.- FORMA DE XESTIÓN DA PRESTACIÓN DO SERVIZO DE ABASTECIMENTO DE AUGA. PROPOSTA DA ALCALDÍA. ACORDO QUE PROCEDA.-

Dase conta polo Sr. Alcalde-Presidente ó Pleno da Corporación de que unha vez rematada a rede de abastecemento de auga polo equipo de goberno solicitouse no primeiro momento un orzamento para a posta en marcha do abastecemento de auga á empresa aquagest que é a que leva a maioría dos concellos da zona, resultando un custo anual aproximado ós 130.000 € inasumible para o Concello. Con posterioridade encargouse un estudio á empresa consultora Luat 3 S.L. no que se establece un custo de aproximadamente 40.000€, sempre que o concello xestione o servizo de forma directa cos seus propios medios e con asesoramentos en temas puntuais. Deste xeito sairía moito máis económico e o concello podería levar adiante a prestación deste servizo.

De seguido toma a palabra o voceiro do Grupo Municipal do Partido Popular, para manifestar que áinda que tardíamente non é malo que se fale da implantación do servizo de abastecemento de auga, pero ó seu entender debénse de seguir baixando custos, e ó mesmo tempo solucionala os verquidos da depuradora de Sande, que se atopa uns 100 m. máis arriba da zona de captación do abastecemento; asimesmo dí que a taxa prevista que figura no estudo de referencia é excesiva con respecto a outros concellos, polo que o concello tería que subvencionar o abastecemento, e a modo de exemplo cita como gastos superfluos as aportacións á festa do requeixo e á escola de música.

Toma a palabra o voceiro do Grupo Mixto - BNG, para preguntarlle ó voceiro do Grupo Municipal do Partido Popular, se efectivamente di que hai que sacar 18.000 e 9.000€ respectivamente da festa do requeixo, e senón é así, de que partida se sacarían.

Respóstalle o voceiro do Grupo Municipal do Partido Popular de que el somentes pretendeu expoñer un exemplo de gastos superfluos e que se debe mirar de poder subvencionar o custo do recibo da traída.

Toma a palabra o voceiro do Grupo Municipal de Terra Galega, D. Fernando Vilar Díaz, para dicir que ó seu grupo preocúpalle o retraso da implantación do servizo de abastecemento así como aspectos puntuais como son o que se teña colocado tubería de PVC, que xa non se pon en ningún lado, ou que non todos os veciños deberían pagar igual por este servizo, manifesta que o equipo de goberno e o Alcalde non deben de estar non concello de vacacións permanentes senón traballando e esixe un compromiso para a posta en servizo da traída de augas.

Respóstalle o Sr. Alcalde-Presidente que a primeiros do ano que vén e despois de facer as acometidas e aproba-la correspondente ordenanza fiscal, a auga debería chegar ós veciños da Capela.

Polo voceiro do Grupo Mixto - BNG, D. Juan Puentes Calvo, dise que os servizos públicos teñen un custo, e que polo tanto hai que pagalos en correspondencia a ese custo, e agora nestes tempos principalmente xa que os recursos municipais son escasos.

Polo voceiro do Grupo Municipal do Partido Popular, D. José Seco Fernández, maniféstase que efectivamente os servizos hai que pagalos, pero debense equilibrar e subvencionar polo concello ata poñerse ó nivel do que se paga noutrous concellos.

Sometido o asunto a votación, o Pleno da Corporación por unanimidade dos Sres. Concelleiros/as asistentes á sesión adopta o seguinte acordo:

Único.- Aprobar como forma de xestión da prestación do servizo de abastecemento de auga potable a domicilio no Concello da Capela o de xestión directa a través da xestión do servizo polo propio concello.

4.- DECRETOS E RESOLUCIÓNS DA ALCALDÍA. DAR CONTA.-

Dase conta dos Decretos e Resoluciós da Alcaldía dende o día 17 de marzo de 2010 ata o día 18 de xuño de 2010.

MARZO

- **CONTABILIDADE:** Decreto da alcaldía de data 17.03.10, aprobación facturas-pago.
- **PADRÓNS FISCAIS:** Resolución da alcaldía de data 18 de marzo de 2010, anulación recibo taxa sumidoiro motivado por duplicidade de Andrea García Calvo en favor de María Angeles Basoa Seijo.
- **CONTABILIDADE:** Decreto da alcaldía de data 19.03.10, aprobación gasto.
- **CONTABILIDADE:** Decreto da alcaldía de data 19.03.10, aprobación facturas-pago.
- **CONTABILIDADE:** Decreto da alcaldía de data 22.03.10, aprobación gasto.
- **SERVIZOS SOCIAIS:** Resolución da alcaldía de data 24.03.10, concesión de prestación do Servizo de Axuda no Fogar a D. Manuel Fernández Fernández.
- **CONTABILIDADE:** Decreto da alcaldía de data 25.03.10, aprobación gasto.
- **SUBVENCIÓNS:** Resolución da alcaldía de data 26.03.10, solicitude de subvención á Consellería de Traballo e Benestar, sobre concesión de subvencións destinadas o cofinanciamento da prestación de servizos sociais polas corporacións locais.
- **PERSOAL:** Resolución da alcaldía de data 26.03.10, asignación ós funcionarios de carreira de cantidades en concepto de productividade variable na nómina do mes de marzo.
- **CONTRATACIÓN:** Resolución da alcaldía de data 29 de marzo de 2010, contratación de María Isabel Franco Rodríguez para arquiveira/bibliotecaria.
- **CONTABILIDADE:** Decreto da alcaldía de data 29.03.10, aprobación gasto.

- **CONTABILIDADE:** Decreto da alcaldía de data 29.03.10, aprobación facturas-pago.
- **CONTRATACIÓN:** Resolución da alcaldía de data 31.03.10, adxudicación definitiva da obra "Rehabilitación da Escola de Guitiriz e Conservación e mantemento da Casa dos Lagoeiros".

ABRIL

- **CONTABILIDADE:** Decreto da alcaldía de data 01.04.10, aprobación gasto.
- **CONTABILIDADE:** Decreto da alcaldía de data 01.04.10, aprobación facturas-pago.
- **CONTABILIDADE:** Decreto da alcaldía de data 02.04.10, aprobación gasto.
- **CONTABILIDADE:** Decreto da alcaldía de data 05.04.10, aprobación gasto.
- **CONTABILIDADE:** Decreto da alcaldía de data 05.04.10, aprobación facturas-pago.
- **SUBVENCIÓNS:** Resolución da alcaldía de data 06.04.10, solicitude de subvención á Deputación Provincial para o servizo de socorrismo na piscina de verán.
- **CONTRATACIÓN:** Resolución da alcaldía de data 07.04.10, aprobación expediente para a licitación e contratación das obra denominada "Pav. vías municipais A Corbeira-A Porta e outros..", incluída no POS 2010.
- **CONTRATACIÓN:** Resolución da alcaldía de data 08.04.10, aprobación da certificación número tres da obra "Rede de saneamento de augas residuais A Graña-Corveira".
- **CONTABILIDADE:** Decreto da alcaldía de data 08.04.10, aprobación gasto.
- **CONTABILIDADE:** Decreto da alcaldía de data 08.04.10, aprobación facturas-pago.
- **CONTABILIDADE:** Decreto da alcaldía de data 09.04.10, aprobación gasto.
- **CONTABILIDADE:** Decreto da alcaldía de data 12.04.10, aprobación gasto.
- **CONTABILIDADE:** Decreto da alcaldía de data 12.04.10, aprobación facturas-pago.
- **CONTABILIDADE:** Decreto da alcaldía de data 13.04.10, aprobación gasto.
- **CONTABILIDADE:** Decreto da alcaldía de data 13.04.10, aprobación facturas-pago.

- **SERVIZOS SOCIAIS:** Resolución da alcaldía de data 15.04.10, concesión da prestación do Servizo de Axuda no Fogar a Dna. Manuela Vilar Seijo.
- **SERVIZOS SOCIAIS:** Resolución da alcaldía de data 15.04.10, concesión de prestación do Servizo de Axuda no Fogar a Dna. María Juana Seijo Sanmartín.
- **SERVIZOS SOCIAIS:** Resolución da alcaldía de data 15.04.10, concesión de prestación do Servizo de Axuda no Fogar a Dna. Cándida Paz Romeu.
- **SERVIZOS SOCIAIS:** Resolución da alcaldía de data 15.04.10, concesión de prestación do Servizo de Axuda no Fogar a Dna. Josefa Calvo López.
- **CONTABILIDADE:** Decreto da alcaldía de data 15.04.10, aprobación gasto.
- **CONTABILIDADE:** Decreto da alcaldía de data 15.04.10, aprobación facturas-pago.
- **CONTABILIDADE:** Decreto da alcaldía de data 19.04.10, aprobación gasto.
- **CONTABILIDADE:** Decreto da alcaldía de data 19.04.10, aprobación facturas-pago.
- **CONTABILIDADE:** Decreto da alcaldía de data 20.04.10, aprobación facturas-pago.
- **SERVIZOS SOCIAIS:** Resolución da alcaldía de data 21.04.10, concesión de prestación do Servizo de Axuda no Fogar a D. Santiago Formoso Freire.
- **RÉXIME INTERNO:** Resolución da alcaldía de data 22.04.10, sobre disponibilidade de expedientes en horario de 10:00 a 12:00 h. o día 24.04.10 nas dependencias municipais a D. Fernando Vilar Díaz.
- **RÉXIME INTERNO:** Resolución da alcaldía de data 22.04.10, sobre consulta de expedientes por D. José Seco Fernández.
- **RÉXIME INTERNO:** Resolución da alcaldía de data 23.04.10, sobre persoamento diante da Sección 6ª da Sala do Contencioso-Administrativo da Audiencia Nacional (procedemento ordinario 624/2009) no recurso Contencioso-Admtivo. interposto por Iberdrola Renovables Galicia, S.A.
- **CONTRATACIÓN:** Resolución da alcaldía de data 26.04.10, modificación de nomeamento do Director de Obra D. Marcelino López Méndez a favor de Dna. María Mercedes Hermida Feal das obras "Rehabilitación da Escola de Guitiriz" e "Conservación e Mantemento da Casa dos lagoeiros, 1ª Fase".
- **CONTABILIDADE:** Decreto da alcaldía de data 26.04.10, aprobación gasto.
- **PERSOAL:** Resolución da alcaldía de data 26.05.10, asignación de cantidades en concepto de productividade variable ós funcionarios de carreira na nómina do mes de abril.
- **PADRÓN MUNICIPAL DE HABITANTES:** Resolución da alcaldía de data 27.04.10, expediente de baixa por inscrición indebida no Padrón Municipal de Ronny Orlando Vargas Viruez.

- **CONTRATACIÓN:** Resolución da alcaldía de data 28.04.10, adxudicación provisional da contratación e execución da obra "Pavimentación vías municipais A Corbeira-A Porta e outros".
- **PADRÓN MUNICIPAL DE HABITANTES:** Resolución da alcaldía de data 30.04.10, baixa no Padrón Municipal de Habitantes de D. Daniel Valerio Malde.

MAIO

- **CONTABILIDADE:** Decreto da alcaldía de data 03.05.10, aprobación gasto.
- **CONTABILIDADE:** Decreto da alcaldía de data 03.05.10, aprobación facturas-pago.
- **CONTABILIDADE:** Decreto da alcaldía de data 05.05.10, aprobación facturas-pago.
- **CONTRATACIÓN:** Resolución da alcaldía de data 05.05.10, aprobación certificación número 1 e final da obra "Rehabilitación da escola de Guitiriz" por importe de 16.403,59 €.
- **CONTABILIDADE:** Decreto da alcaldía de data 06.05.10, aprobación gasto.
- **CONTABILIDADE:** Decreto da alcaldía de data 06.05.10, aprobación facturas-pago.
- **PADRÓN MUNICIPAL DE HABITANTES:** Resolución da alcaldía de data 07.05.10, alta no Padrón Municipal de Habitantes de Camilo Avelino Meizoso Fornos.
- **PADRÓN MUNICIPAL DE HABITANTES:** Resolución da alcaldía de data 07.05.2010, alta no Padrón Municipal de Habitantes a Dna. Verónica Pazos Moreira.
- **CONTABILIDADE:** Decreto da alcaldía de data 10.05.2010, aprobación gasto.
- **CONTABILIDADE:** Decreto da alcaldía de data 10.05.2010, aprobación facturas-pago.
- **CONTABILIDADE:** Decreto da alcaldía de data 12.05.2010, aprobación gasto.
- **CONTABILIDADE:** Decreto da alcaldía de data 12.05.2010, aprobación facturas-pago.
- **PADRÓN MUNICIPAL DE HABITANTES:** Resolución da alcaldía de data 13.05.2010, cambio de endereço de D. Fernando Vilar Díaz, de Os Picos, 1 a Os Covos, 1.
- **CONTABILIDADE:** Decreto da alcaldía de data 14.05.10, aprobación gasto.

- **CONTABILIDADE:** Decreto da alcaldía de data 14.05.10, aprobación facturas-pago.
- **CONTABILIDADE:** Decreto da alcaldía de data 18.05.10, aprobación gasto.
- **PADRÓN MUNICIPAL DE HABITANTES:** Resolución da alcaldía de data 18.05.10, alta no Padrón Municipal de Habitantes de D. Alberto Arias Soto en Os Calzados, 3.
- **RÉXIME INTERIOR:** Resolución da Alcaldía de data 18.05.10, autorización a Dna. Vanessa López López para lanzamento fogos artificio con motivo da Ruta do Cabalo o día 22 de maio de 2010.
- **PADRÓN MUNICIPAL DE HABITANTES:** Resolución da alcaldía de data 18.05.10, alta en Os Calzados, 3 de Dna. Sonia Filgueiras Ferreira.
- **CONTABILIDADE:** Decreto da alcaldía de data 19.05.10, aprobación gasto.
- **CONTABILIDADE:** Decreto da alcaldía de data 19.05.10, aprobación facturas-pago.
- **PADRÓN MUNICIPAL DE HABITANTES:** Resolución da alcaldía de data 19.05.10, alta no Padrón Municipal de Habitantes de Dna. Ramida Mirela de Almeida.
- **PADRÓN MUNICIPAL DE HABITANTES:** Resolución da alcaldía de data 19.05.10, alta no Padrón Municipal de Habitantes de Dna. Ramida Mirela de Almeida en As Neves, 42-2º.
- **CONTABILIDADE:** Resolución da alcaldía de data 19.05.10, cambio de endereço no Padrón Municipal de Habitantes de D. Juán Carlos Bardera de Almeida de As Neves 77, a As Neves, 42-2º.
- **SERVIZOS SOCIAIS:** Resolución da alcaldía de data 20.05.10, contratar para o Servizo de Axuda no Fogar a Dna. María Carmen Barba Rivas.
- **CONTRATACIÓN:** Resolución da alcaldía de data 20.05.10, adjudicación definitiva da obra "Pavimentación vías municipais A Corveira-A Porta e outros".
- **CONTABILIDADE:** Decreto da alcaldía de data 20.05.10, aprobación gasto.
- **PADRÓN MUNICIPAL DE HABITANTES:** Resolución da alcaldía de data 21.05.10, cambio de endereço de Xosé Antón Marcal Carracedo a súa dona e os seus fillos para O Pazo, 14.
- **PADRÓNS FISCAIS:** Resolución da alcaldía de data 24.05.10, elaboración do Padrón Fiscal da Taxa de RSU correspondente ó segundo trimestre.
- **CONTABILIDADE:** Decreto da alcaldía de data 24.05.10, aprobación gasto.
- **CONTABILIDADE:** Decreto da alcaldía de data 24.05.10, aprobación facturas-pago.

- **SERVIZOS SOCIAIS:** Resolución da alcaldía de data 25.05.10, concesión da prestación do Servizo de Axuda no Fogar a Dna. Carmen Sanmartín Salgado.
- **PADRÓNS FISCAIS:** Resolución da alcaldía de data 26.05.10, aprobación Padrón Fiscal da Taxa do Sumidoiro para o exercicio 2010.
- **PERSOAL:** Resolución da alcaldía de data 28.05.10, nomeamento de secretario-interventor a D. Jesús Franco Rodríguez para desempeñar as tarefas do titular D. José Antonio Meizoso Paz.
- **CONTABILIDADE:** Decreto da alcaldía de data 31.05.10, aprobación gasto.
- **CONTABILIDADE:** Decreto da alcaldía de data 31.05.10, aprobación facturas-pago.

XUÑO

- **CONTABILIDADE:** Decreto da alcaldía de data 01.06.10, aprobación gasto.
- **CONTABILIDADE:** Decreto da alcaldía de data 01.06.10, aprobación facturas-pago.
- **PADRÓN MUNICIPAL DE HABITANTES:** Resolución da alcaldía de data 02.06.10, cambio de endereço de Juán Vilar Gabeiras e Almudena Piñeiro Montes e de Noa Piñeiro Montes e Mireya Vilar Alves.
- **RÉXIME INTERIOR:** Resolución da alcaldía de data 03.06.10, autorización a Francisco Javier Gabeiras Martínez para lanzamentos de fogos de artificio, con motivo da celebración da Sardiñada o día 26 de xuño de 2010.
- **CONTABILIDADE:** Decreto da alcaldía de data 07.06.10, aprobación gasto.
- **CONTABILIDADE:** Decreto da alcaldía de data 08.06.10, aprobación gasto.
- **CONTABILIDADE:** Decreto da alcaldía de data 08.06.10, aprobación facturas-pago.
- **CONTABILIDADE:** Decreto da alcaldía de data 14.06.10, aprobación gasto.
- **OBRAS:** Resolución da alcaldía de data 15.06.10, incoar expediente de reposición da legalidade á obra promovida pola empresa DOMOCYR, S.L. para "Rehabilitación e ampliación de edificacións existentes en A Barbela".

O Pleno queda enterado.

5.- MOCIÓN DOS GRUPOS MUNICIPAIS.-

PRIMEIRA.

Dase conta da moción presentada polo voceiro do Grupo Municipal do Partido Popular, D. José Seco Fernández, que copiada literalmente di:

" No pasado Pleno Ordinario celebrado neste Concello o pasado día 25 de marzo de 2010, este grupo presentou unha Moción a debate referida a posibilidade de formar un grupo de traballo para adaptar a nova lei que, prácticamente estaba xa "cocifñada", o PXOM. O Grupo de goberno rexeitou esta, baixo o noso punto de vista, importante iniciativa.

O pasado día 31 de marzo deste mesmo ano sae publicado no DOG a lei 2/2010, que modifica algúns artigos, tamén seguindo o noso criterio fundamentais para A Capela, da lei 9/2002. Esta lei, si estamos no certo, entra en vigor o 22 de abril de 2010.

A día de hoxe cremos conocer que algunhas negociacións ou contactos se están a facer polo equipo de goberno, sobre este asunto. O Partido Popular de A Capela apoia todas cantas conversas se poidan manter en pro de A Capela, eso si, como representantes dunha parte importante de veciños/as solicitamos a participación nun asunto tan fundamental como é o diseño e organización do Pobo.

En consecuencia o Partido Popular de A Capela propón a debate e posterior aprobación, si procede a seguinte

MOCIÓN:

FORMAR UNHA COMISIÓN DE TRABALLO PARA REFORMAR O PXOM, DONDE SEXA SUSCEPTIBLE DE MELLORAR E ADAPTALO A NOVA LEI 2/2010."

Polo voceiro do Grupo Municipal do Partido Popular, D. José Seco Fernández, dise que esta moción xa se presentou en dúas ocasións e no derradeiro pleno ordinario o argumento para rexeitala foi que aínda non se coñecía ou non estaba publicada a modificación da LOUGA, agora que se sabe, o que se pode facer en determinados puntos é convinte un novo debate e votación.

Polo Sr. Alcalde-Presidente, dise que esta moción xa foi debatida e votada no derradeiro pleno, e que non é normal que volte para o seu debate e votación.

Polo voceiro do Grupo Municipal do Partido Popular, dise que senón se deixa debati-la moción, o seu grupo abandonará o pleno da corporación, o que se pretende coa moción é formar un equipo de traballo e participar na modificación tan necesaria do PXOM da Capela.

Respóstalle o Sr. Alcalde-Presidente que o equipo de goberno está preparando unha adaptación á nova normativa, e que de feito xa se tivo contacto a través dunha entrevista coa Directora Xeral de Urbanismo da Xunta.

Polo voceiro do Grupo de Terra Galega, D. Fernando Vilar Díaz, dise que ó entender do seu grupo, o PXOM da Capela foi caciquil e fíxose para beneficiar ós amigos e fastidiar ós inimigos. Remata a súa intervención manifestando que cre que a Comisión proposta polo PP non se vai aceptar e que o concello da Capela é o nº 1, pero en poñela marcha atrás.

Polo voceiro do Grupo Mixto - BNG, D. Juan Puentes Calvo, dise que o que ten encargado o equipo de goberno é un estudio técnico sobre as posibilidades da nova lei, e que en canto esté listo haberá unha xuntanza para informar ós voceiros de tódolos grupos.

Remata o debate desta moción o voceiro do Grupo Municipal do Partido Popular, D. José Seco Fernández, manifestando que deben estar liderados polos técnicos, pero participando os políticos, reitera que o seu grupo municipal quere participar e opinar, e polo tanto debe facerse unha mesa ou foro de traballo.

Sometida a moción a votación, o Pleno do Concello por maioría de votos (4 votos a favor da aprobación dos Sres/Sra concelleiros /a dos grupos municipais do Partido Popular, e Terra Galega e 5 votos en contra dos Sres/Sras concelleiros /as dos grupos municipais do P S de G- PSOE e BNG- Mixto) rexeita a moción presentada polo Partido Popular.

SEGUNDA.

Dase conta da moción presentada polo Grupo Municipal do BNG da Capela, D. Xoán Puentes Calvo, que copiada literalmente di:

" No Concello da Capela hai ao redor duns 80 núcleos de poboación moi dispersos e que na súa maioría están rodeados de plantacións forestais

(eucaliptais, piñeirais,...) que en moitos casos non cumpren con normativas vixentes: Ordenanza Municipal reguladora da plantación e corta de ábores, Lei 3/2007, PXOM da Capela, Lei urbanística galega 9/ 2002, ...

Considerando os poucos recursos (materiais, humanos, ...) de que dispón o Concello para que estas normativas se cumpran e tendo en conta os danos e molestias que estas masas forestais ocasionan, á maraxe das graves situacións de perigo que poden producir (en caso de incendios, temporais, ...) o BNG solicita do Pleno da corporación a adopción dos seguintes acordos:

- 1.- Recordar a todos os veciños da Capela - mediante unha circular do Concello- as distancias que as novas plantacións deben gardar con respecto ás vivendas e construcións nos núcleos rurais, vías públicas de titularidade municipal e solo rústico de protección ordinaria.
- 2.- Demandar, en liña co anterior, que nun prazo máximo de 2 anos, todas as plantacións forestais que estean dentro dun núcleo rural ou na súa área de expansión, se adapten á normativa vixente procedendo á súa tala e limpeza. Isto é extensible ás vías públicas."

Explícase polo voceiro do Grupo Mixto - BNG, D. Xoán Puentes Calvo que o motivo principal da moción é informar ós veciños sobre os aspectos legais contidos en materia de distancias nas plantacións, sobre todo en zonas urbanas e nos núcleos.

Polo voceiro do Grupo Municipal do Partido Popular, dise que aquí non hai nada que deliberar nin votar, xa que o que ten que facer o equipo de goberno é especialmente o Sr. Alcalde é facer cumpli-la norma, e a tales efectos cita os artigos 21.1 n) e r) da lei 7/85 de 2 de abril, reguladora das Bases de Réxime Local.

Polo voceiro do Grupo Municipal de Terra Galega, D. Fernando Vilar Díaz, dise que lle parece ben que se presente a moción, pero o que ten que facer o alcalde é que se cumpla a normativa, e que é unha broma de mal gusto que se queira poñer a oposición de vigilantes.

Polo voceiro do Grupo Mixto - BNG, D. Juan Puentes Calvo dise que as intervencións dos voceiros dos Grupos Municipais do PP e Terra Galega desvirtúan o tema da moción, xa que o único que se pretende é que se informe ós veciños das distancias que deben deixar nas plantacións que se efectúen en solo urbano e solo de núcleo rural.

Antes da votación ausentanse do salón de sesións os Sres/Sra concelleiros /a dos grupos municipais do Partido Popular e Terra Galega, para non participar na mesma.

O Pleno da Corporación, por maioría de votos (5 votos a favor dos Sres/Sras concelleiros/as dos grupos municipais do P S de G- PSOE e BNG-Mixto) aproba a moción presentada polo Grupo Mixto - BNG.

TERCEIRA.

Dase conta da moción presentada polos voceiros D. Fernando Vilar Díaz, e D. Marcos Rodríguez Calvo, do Grupo Municipal de Terra Galega, que copiada literalmente di:

"E máis que sabido por todos a grave situación económica que está a atravesar o país nestes tempos, que levou ó goberno central a aprobar un real Decreto no que se adoptaron unha serie de medidas encamiñadas a reducir o déficit nas arcas do estado. Entre estas medidas, acordouse unha reducción nas retribucións que perciben os altos cargos de ata o 15% do seu soldo.

No noso concello, ainda que os membros desta corporación non percibimos ningunha retribución fixa pola labor desempeñada, dado que ningún de nós ten dedicación exclusiva, si cobramos unha pequena cantidade (30euros) en concepto de dietas por asistencia ós plenos e ás xuntas de goberno local.

Como queira que a política non é unha profesión, senón que se debe considerar con un servizo ó pobo de carácter totalmente voluntario e sin ningún tipo de interés económico e dada a situación de crise económica actual,

PROPOÑEMOS Ó PLENO DA CORPORACIÓN MUNICIPAL:

Que todos os membros que componemos esta corporación, acordemos renunciar ás dietas pola asistencia ós plenos municipais así como ás xuntas de goberno local e se destine esa cantidade para fins sociais que non se poidan cubrir actualmente debido á crise que estamos a sufrir."

Polo concelleiro de Terra Galega, D. Marcos Rodríguez Calvo dise que o motivo da moción é contribuir coa renuncia das asistencias que os concelleiros

perciben polos plenos e Xunta de goberno local a que ese diñeiro se destine a fins de carácter social.

Polo voceiro do Grupo Municipal do Partido Popular, D. José Seco Fernández, dise que as indemnizacións por asistencias teñen un carácter reglado no ROF e que de aprobarse esta medida aforraríase un máximo duns 3.300€, é dicir un 0,30% do orzamento do concello, polo que non se ve un aforro real, o que hai que recortar son tódolos gastos superfluos.

Polo voceiro do Grupo Mixto - BNG, dise que se algúns concellos deu mostras de austeridade foi este, e que lle parece un cachondeo plantear esta moción, se se quere falar verdadeiramente de aforro hai que facer propostas concretas.

Polo concello do Grupo Municipal de Terra Galega, D. Marcos Rodríguez Calvo, reiterase que a moción presentada é unha proposta de aforro non de redución de gasto.

Polo Sr. Alcalde-Presidente dise que aínda que Terra Galega presenta a moción por oportunismo político o PSOE da Capela nunca estivo a favor de cobrar, e de feito estanse cobrando asistencias por unha moción que presentou o Partido Popular, en anteriores mandatos municipais; dí mostrarse de acordo coa moción si este diñeiro se destina a servizos sociais.

Sometido o asunto a votación, o Pleno da Corporación, por maioría de votos (6 votos a favor da aprobación dos Sres/Sras concelleiros/as dos grupos municipais do PS de G - PSOE e Terra Galega, 2 abstencións Sr/Sra. do concelleiro/a do Grupo Municipal do Partido Popular, e 1 voto en contra do Sr. concelleiro do Grupo Mixto - BNG) aproba a moción presentada polo Grupo Municipal de Terra Galega; e en consecuencia quedan suprimidas as indemnizacións por asistencias a órganos colexiados da corporación.

Dase conta da segunda moción presentada por D. José Seco Fernández, voceiro do Grupo Municipal do Partido Popular, que copiada literalmente di:

" Dende, xa máis dunha década, o municipio de A Capela foi perdendo progresivamente poboación, sendo un marl que repercute en todo o rural galego, non deixa de preocupar o Partido Popular local.

1º) A situación xeográfica e sensación de cercanía non a teñen outros municipios afectados pola pérdida de población.

2º.- O enclave medioambiental que nos rodea, Parque Natural das Fragas do Eume e Montes Forgoselo e Corregosos, baixo o noso punto de vista non se está aproveitando.

3º.- A integración do natural e medioambiental coa cercanía de industria deberían ser factores que condicionaran positivamente que vivir en A Capela sexa unha prioridade.

4º.- Nesta lexislatura, e certo que se tomaron algunha medida coo a aprobación de rebaixar un 50% as taxas para primeira vivenda, sendo moi positivo este acordo, parece non ser suficiente para incentivar que a poboación se asente na Capela.

5º.- O Partido Popular o 12 de maio de 2006 con entrada en rexistro nº 357 presenta unha iniciativa que se pode dalgún xeito retomar.

Por todo elo propón a debate e posterior aprobación, si procede a seguinte

MOCIÓN:

SOLICITAR Ó ORGANISMO PERTINENTE A DECLARACIÓN DE MUNICIPIO TURÍSTICO. "

Polo voceiro do Grupo Municipal do Partido Popular, D. José Seco Fernández, dise que esta moción xa a presentou o seu Grupo no ano 2006, e tenta que se solicite a declaración do Concello da Capela como Municipio turístico, xa que ó seu entender a situación xeográfica privilexiada, o parque natural das Fragas do Eume, o Forgoselo, engaden a este concello un valor que pode repercutir en que se poida solicitar a declaración.

Polo voceiro do Grupo Municipal de Terra Galega, dise que si é posible o seu grupo está de acordo en solicitar esa declaración de concello turístico.

Polo voceiro do Grupo Mixto - BNG, D. Juan Puentes Calvo maniféstase que o ano pasado solicitouse declarar a Festa do Requeixo de interés turístico, estaba informada favorablemente pola Delegación da Coruña, pero co cambio de goberno e ó entrar o Partido Popular, denegouse o interés turístico á Festa do Requeixo, sin dar explicacións de ningún tipo, polo tanto manifesta non ter criterios sobre as obrigas que poderían recaer sobre o concello e os beneficios que podería traer consigo.

Polo Sr. Alcalde-Presidente dise que antes da declaración como municipio turístico a Xunta debe declarar de interés turístico a Festa do Requeixo.

Polo voceiro do Grupo Municipal do Partido Popular, D. José Seco Fernández, dise que lle parecen razonables as dúbidas que xorden en canto ás obrigas e os beneficios que poida traer a declaración, e pide que o asunto quede sobre a mesa.

O asunto queda sobre a mesa para un posterior debate e votación.

6.- ROGOS E PREGUNTAS.-

1.- Dase conta do Rogo presentado polo voceiro do Grupo Municipal de Terra Galega, D. Fernando Vilar Díaz, que copiado literalmente di:

"Nestes últimos días fixéronse obras de reasfaltado de varios camiños pola empresa municipal, que están a ser moi criticadas polos veciños, debido a que non se limpan ben as marxes das pistas antes de asfaltar, quedan más estreitas do que xa eran, a calidade do asfaltado é penosa, etc. etc.

Por todo isto,

ROGAMOS:

Que polo equipo de goberno, a través do seu concelleiro de obras asesorado polos técnicos municipais, se leve a cabo unha vixiancia das mesmas, para que pola empresa que as realiza se executen conforme ó estipulado no proxecto".

Polo Concelleiro de obras D. Fernando Rodríguez Fernández, dise que xa se ten falado coa empresa deste asunto, pero que é un tema difícil de subsanar, xa que se as cunetas se fan fondas, efectivamente recurtase a vía pública, e pola contra senón se limpan as cunetas a auga no inverno invade os camiños.

Polo voceiro do Grupo Municipal de Terra Galega, D. Fernando Vilar Díaz, maniféstase que a empresa que fai as obras hai que esixirlle, e en todo caso que faga as cousas ben.

2.- Dase conta dos rogos presentados polo voceiro do Grupo Municipal do Partido Popular, D. José Seco Fernández, que copiados literalmente din:

1º) Tendo constancia da inminente contratación de persoal laboral por parte do Concello de A Capela, ROGAMOS se consideren e se establezan, e se respeten unhas bases para a contratación dos mesmos.

Respóstaselle polo Sr. Alcalde- Presidente que as bases quen as establece é o Inem.

2º) Una vez que a piscina está cuberta poderíanse aproveitar, a) durante máis tempo, b) más calidade na utilización. ROGAMOS que se optimice a instalación de paneis solares que hai instalados e o posible incremento dos mesmos.

Respóstaselle polo Concelleiro delegado de cultura, D. Juan Puentes Calvo, que hai algunha instalación como no caso do Concello de Moeche no que se instalaron paneis solares, pero hai que instalar asimesmo deshumidificadores que teñen un consumo fóra do normal. O total do investimento podería ascender a cento e pico mil euros, o que agora fai inviable esta actuación.

3º) Observando que, dependendo de donde se alfalte, así se alfalta dunha maneira ou doutra. ROGAMOS que se estableza un criterio en todas as vías de propiedade municipal de A Capela.

O Sr. Alcalde-Presidente resposta que os criterios son segundo as necesidades de mantemento que teñen os camiños.

Resposta D. José Seco Fernández, que de mirarse atentamente un mapa de actuacións de camiños vese que os criterios empregados polo equipo de goberno son doutro tipo.

4º.- Os carteis das obras, a veces excesivos e costosos, colócanse dun xeito arbitrario. ROGAMOS se controle e planifique a colocación dos mesmos.

Respostaselle polo Sr. Alcalde-Presidente que se falará coas empresas.

PREGUNTAS.-

Dase conta das preguntas formuladas polo Grupo Municipal de Terra Galega:

1.- No pasado pleno do día 25 de marzo deste ano, a unha pregunta do grupo político do PP referente ó monte Corregosos, o Sr. Alcalde contestou que en mes e medio convocaría ós grupos políticos para falar sobre o tema do monte. Cal é o motivo de que unha vez máis incumpla o dito nun pleno?

Resposta o Sr. Alcalde-Presidente que xa ten falado cunha persoa que está ó tanto deste asunto, e cando se saiba algo que o comentará no pleno.

2.- Actualmente na Capela non dispoñemos de ningún parque público en condicións, a pesar de que todos os anos se convocan subvencións por parte da Xunta de Galicia para este fin. Ten pensado o equipo de goberno facer algo ó respecto?

Resposta o concelleiro delegado de cultura e deportes, sinalando que se pediron subvencións á Xunta para parques o ano pasado e viñeron denegadas. Este ano voltouse a pedir.

3.- A rehabilitación da escola de Guitiriz está actualmente parada. Cal é o motivo? Cando se vai comenzar a obra na casa dos lagoeiros?

Resposta o Sr. Alcalde-presidente é que a cuberta é prefabricada e a empresa está esperando que lle entreguen a mesma para continuar a obra.

4.- Cal é a situación da obra do novo Centro de Saúde?

Resposta o Sr. Alcalde-Presidente que está pendente dunha entrevista co Director xeral de sanidade da Xunta de Galicia, pero o que non vai facer o concello é ceder un terreo público, para que o centro de saúde o xestione unha empresa privada.

5.- Unha das obras do FEIL do ano pasado foi a instalación dunha cuberta para a piscina municipal que tiña por obxeto poder abrir a piscina durante mais meses ó ano cousa que non sucede. Cal é o motivo? Por qué non se tivo a previsión de que non se iba poder abrir máis tempo e invertir esa ilimportante cantidade noutras obras más necesarias?

Resposta o concelleiro delegado de cultura e deportes, D. Juan Puentes Calvo que a piscina xa está aberta e que se farán actividades nos meses de xullo e agosto, e o feito de que esté cuberta implica que se vai poder usar mellor todo o tempo que esté aberta.

6.- Queríamos saber cal é a situación na que se atopa o Polígono Industrial" pois no pleno do 25 de marzo de 2008 o Sr. Alcalde dixo que xa solo faltaba o visado do proxecto.

Resposta o Sr. Alcalde-Presidente que é un asunto privado e que a día de hoxe non hai nada presentado.

7.- Cal é a situación das mociones aprobadas no pleno de 24 de setembro de 2009 sobre a gardería e sobre a escola taller?

Resposta o Sr. Alcalde-Presidente que non hai novidades ó respecto.

8.- Que xestións se fixeron para o aumento de días na consulta de Pediatría?

Resposta o Sr. Alcalde-Presidente que non hai persoal para poder incrementar os días de atención.

9.- Segundo temos entendido, o Arquitecto Municipal realizou un informe sobre algúns aspectos da obra da aldea rural que se está facendo na Barbela. Solicitamos que se nos de copia de dito informe.

Polo Sr. Alcalde-Presidente maniféstase que copias non se van a facilitar, pero que se pode consultar o estado do expediente co arquitecto municipal.

10.- Seguimos demandando un local para os Grupos Políticos, dada a situación de locales sen uso que existen actualmente. Para cando?

Resposta o Sr. Alcalde-Presidente que ata o remate do ano non se sabe onde se van ubicar.

11.- Cando se vai poñer a rede no lateral do campo de fútbol?
A rede dos fondos actualmente está en moi mal estado. Ten pensado o equipo de goberno arranxala?

Respóstase polo Sr. Alcalde-Presidente que antes do comienzo da liga.

12.- Cal é o motivo de que non se cumpla o disposto no Regulamento de Participación Veciñal?

Resposta o Sr. Alcalde-Presidente que cando haxa tempo convocarase unha xuntanza para a constitución do consello.

Dase conta das preguntas presentadas polo voceiro do Grupo Municipal do Partido Popular, D. José Seco Fernández, que copiadas literalmente din:

1^a) En Plenos anteriores o PP de A Capela ten presentado algúñ ROGO referido á construción dunha balsa de auga en Fornelos, ténsenos dito por parte do Sr. Alcalde que estaba en trámites coa Consellería de Medio Ambiente. A día de hoxe ¿Cómo está o tema?

Respóstaselle polo Sr. Alcalde-Presidente que este vindeiro luns terá unha entrevista sobre o asunto en augas de Galicia.

2^a) ¿Canto ingresaba e canto vai pasar a ingresar o Concello de A Capela polo novo Plan Eólico?

Respóstaselle polo Sr. Alcalde-Presidente que nestres intres non se sabe xa que a empresa Iberdrola ten recurridas as ponencias de valores.

3^a) No pasado Pleno Ordinario o 1º tenente de Alcalde e voceiro do BNG, fixo un ROGO referido a facer unha convocatoria para a posta en marcha do foro chamado de "Participación Veciñal". ¿Ten o Alcalde, que é o capacitado, pensado convocar dita xuntanza?

Dase por contestada.


4^a) Recientemente fíxose unha inversión no Campo de fútbol de Os Calzados, contundente, por non usar outro calificativo. ¿Por qué se solicitan as subvencións a Deputación de máis de 9.000€?

Respóstase polo Sr. Alcalde que se fixo unha inversión que era necesaria e que grazas a Deputación Provincial da Coruña, A Capela disfruta dun campo de fútbol, non podendo dicirse o mesmo das axudas doutras administracións.

5^a) ¿Ten pensado o equipo de goberno restablecer as subvencións ás asociacións do municipio?

Resposta o Sr. Alcalde- Presidente que cando a situación económica o permita.

E xa que non hai máis asuntos sobre os cales deliberar o Sr. Alcalde finaliza a sesión sendo as doce horas trinta e cinco minutos, de todo o cal eu, Secretario dou fe, todo elo coas reservas do artigo 206 do ROF.



O Alcalde-Presidente,

Asdo. s. Ángel López Sueiro.



O Secretario,

Asdo. José A. Meizoso Paz.